

翟清福 主編

中國古代漢族與少數民族關係史料匯編

第四輯（清・下編）

綏蒙書局

中國古代漢族與少數民族關係史料匯編

三

第四輯 (清·下編)

平定準噶爾方略前編卷之十四

雍正二年夏四月乙巳。

敘平定青海功。

大將軍年羹堯已授爲一等公。將軍岳鍾琪已授爲三等公外。授叅贊蘇丹總兵官宋可進爲三等輕車都尉。總兵官黃喜林爲二等輕車都尉。按察使王景灝總兵官周瑛副將王嵩紀成

斌爲騎都尉。提督郝玉麟總兵官武正安爲雲  
騎尉。以侍衛達鼐爲副都統。授騎都尉。其餘有  
功將士各擢賞有差。

戊午。

以青海平定功成。

上御太和殿。諸王貝勒貝子公文武百官以下。上表行  
慶賀禮。

撫遠大將軍年羹堯奏擒阿布濟車陳台吉並  
降喀爾喀扎薩克沙爾都台吉。

年羹堯奏言侍衛達鼐副將紀成斌等率兵至  
布哈色卜蘇擒獲阿布濟車陳台吉。又喀爾喀  
扎薩克沙爾都台吉來降。奏入。報

聞。

丁卯。

撫遠大將軍年羹堯奏勦定河州口外鐵布諸番。

年羹堯奏言。河州口外鐵布等寨番人。並青海所屬。刼掠道路。猖狂妄行。臣遣署河州副將岳超龍等。率兵進勦。取四十一寨。收服三十七寨。殺傷番賊二千一百餘人。擒獲人口牲畜無算。悉賞給官兵。奏入。報。

聞。

閏四月癸未。

行獻俘受俘典禮。

先是總理事務王大臣奏言。青海大捷。請獻俘  
於

太廟。

皇上親御午門受俘。奏入得

旨平定青海。實乃

皇考留貽之功。故捷音到日。恭告

景陵。今造逆首惡。吹喇克諾木齊。阿喇卜坦溫布藏巴

扎卜等三人。檻送來京。朕令議獻俘

太廟之禮。以慰

列祖在

天之靈。諸王大臣等。乃議請受俘。歸功於朕。非朕本意

也可。否祇行獻俘。不行受俘之禮。諸王大臣等再察典禮具奏。尋議曰。出師凱旋。執獲醜類。獻於廟社。卽受俘於廷。歷代行之。典禮甚鉅。應請

允行。奏入。

上從之。至是以平定青海所獲逆俘。吹喇克諾木齊阿喇卜坦溫布藏巴扎卜三人。檻送至京。行獻俘禮。遣官告祭。

太廟。

社稷。越三日丙戌。王以下文武百官齊集。

午門前設鹵簿。鳴金鼓。

上御午門樓前楹。升寶座。受俘。兵部官率楹送俘囚將校。以逆俘吹喇克諾木齊。阿喇卜坦溫布藏巴扎卜三人至。白練繫頸跪伏。兵部大臣奏言。所獲俘囚謹獻。

闕下

上命交刑部。於是刑部官領

旨。兵部官引俘出。王以下文武各官行禮畢。

上回宮。是日。賜檻送俘囚官各蟒緞朝衣帽。華加賞銀

百兩。兵丁各賞銀二十兩。

庚寅。

命順承郡王世子弘晟還京。

上諭總理事務王大臣等曰策妄阿拉布坦來使已回。  
胡士克圖處事務亦竣。前令順承郡王世子弘晟在  
彼守護。今既無事。著伊等從容回京。

五月庚申。

撫遠大將軍年羹堯奏勦桌子山。碁子山番賊。  
年羹堯奏言。莊浪謝勒蘇部番人倡惡。竊據桌  
子山。碁子山。又涼州南崇寺沙瑪喇木扎卜等。

與蒙古通。去年輒劫掠新城。張義諸堡。又郭隆寺。郭莽寺喇嘛脫走者。煽動西寧納朱公寺。朝天堂。加爾多寺諸番。與莊浪番賊構亂。臣與奮威將軍岳鍾琪。及在西寧大臣等共議。發綠旗土司兵。分十一路。於四月十五日。由西寧進兵。尋據岳鍾琪等報。納朱公寺喇嘛番人悉降。卽延小章嘉胡土克圖。以朝天堂居之。加爾多寺。

諸番遣副將紀成斌。張玉總兵官黃喜林等分  
四路抵賊巢。殺賊數百。餘多死溝河中。諸寺悉  
燬。又據報遊擊馬忠孝。王大勲等殺賊於和石  
溝。遊擊王序吉。范世雄。敗賊於石門口。涼莊道  
蔣洞。殲賊於喜逢堡。而前鋒統領蘇丹率兵至  
旁伯拉夏口。番人詭辭來降。蘇丹怪其踪跡。令  
偵之。則賊衆伏鎗且發。遂率兵直抵賊穴。殺賊

甚衆。又涼莊道蔣洞搜勦碁子山。破賊於巴洞。  
溝土司魯華齡殺賊於天王溝。前後勦賊略盡。  
其賊首謝勒蘇部阿旺策零爲先密寺喇嘛縛  
之至軍。岳鍾琪又率兵至鎮羌。諜賊在木茂山。  
卽遣校率兵截殺。賊大殲。餘賊悉棄妻子逃去。  
乃留總兵官宋可進涼莊道蔣洞。令統綠旗土  
司兵五千暫駐防守。又守備馬光於寬溝殺賊。

二十餘人。賊潰散。又先密寺番人數反覆。且其地與碁子山賊穴相連。恐後復聚爲亂。已令其地喇嘛諸番移居於加爾多寺外。其先密寺已燬之。此次陣亡被傷綠旗土司官兵及所招撫諸番戶口數。俟核明具冊咨部。奏入得

旨。碁子山。碁子山番賊甚屬兇頑。倚恃地方危險。屢行劫掠。大將軍年羹堯籌畫調遣。令奮威將軍岳鍾琪

等統率官兵進勦於山險林密之處奮戰五十餘日盡行勦滅。黽勉効力克奏膚功永靖邊塞甚屬可嘉。此次勲績著將大將軍年羹堯及岳鍾琪等弁兵俱從優議敘。

辛酉。

布隆吉爾副將軍阿喇衲有疾。

命署固原提督噶爾弼署理以軍前正黃旗蒙古都統